

ქალაქ თბილისის მუნიციპალიტეტის საკრებულო
განკარგულება №
—ივლისი 2025 წელი

**ქ.თბილისში, გლდანის რაიონში, ვლადიმერ ჯანჯღავას ქუჩის მონაკვეთისთვის და მასთან
არსებული ორი გასასვლელისთვის აფხაზეთის ომში დაღუპული მებრძოლის
ბადრი ჭინჭარაულის სახელის მინიჭების შესახებ.**

საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

1. გლდანის რაიონში, ვლადიმერ ჯანჯღავას ქუჩის მონაკვეთს მიენიჭოს აფხაზეთის ომში დაღუპული მებრძოლის ბადრი ჭინჭარაულის სახელი, თანდართული რუკის თანახმად.

2. გლდანის რაიონში, ვლადიმერ ჯანჯღავას ქუჩის მონაკვეთს მიენიჭოს აფხაზეთის ომში დაღუპული მებრძოლის ბადრი ჭინჭარაულის I გასასვლელის სახელი. თანდართული რუკის თანახმად.

3. გლდანის რაიონში, ვლადიმერ ჯანჯღავას ქუჩის მონაკვეთს მიენიჭოს აფხაზეთის ომში დაღუპული მებრძოლის ბადრი ჭინჭარაულის II გასასვლელის სახელი. თანდართული რუკის თანახმად.

4. ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო ღონისძიებების განხორციელება.

5. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64), კანონმდებლობით დადგენილი წესით.

საკრებულოს თავმჯდომარე

ზურაბ აბაშიძე





**სსიპ საჯარო რეესტრის
ეროვნული სააგენტო**

22 ვახტანგ გორგასლის ქუჩა
0114 თბილისი, საქართველო
+995 32 240 54 05
info@napr.gov.ge

06 / აგვისტო / 2024 წ.

06-032421961-03



KA011751608772424

№ 172570

ქალაქ თბილისის მუნიციპალიტეტის საკრებულოს

გაცნობებთ, რომ საჯარო რეესტრის ეროვნულ სააგენტოს (შემდგომში - „სააგენტო“) 2024 წლის 31 ივლისს წარედგინა ხატუნა უნდილაშვილის M24012308 განცხადება მის საკუთრებაში არსებული უძრავი ნივთის (საკადასტრო კოდი: 01.11.05.011.401) მისამართის დაზუსტების თაობაზე.

მოგახსენებთ, რომ სააგენტოს სამისამართო რეესტრში მიმდინარე მდგომარეობით 01.11.05.011.401 საკადასტრო კოდის მქონე უძრავი ნივთის მიმდებარედ რეგისტრირებულია გეოგრაფიული ობიექტები შემდეგი სახელწოდებებით:

- „ქალაქი თბილისი, ვლადიმერ ჯანჭღავას III შესახვევი“.

აღნიშნულ გეოგრაფიულ ობიექტებზე ინფორმაცია, ასევე, დაცულია ქალაქ თბილისის მერიის მხარდაჭერით, საქართველოს მეცნიერებათა ეროვნული აკადემიის ქართული ენციკლოპედიის ირაკლი აბაშიძის სახელობის მთავარი სამეცნიერო რედაქციის მიერ 2008 წელს გამოცემული ენციკლოპედიაში („თბილისი, ქუჩები, გამზირები მოედნები“).

ასევე მოგახსენებთ, რომ აღნიშნული შესახვევის მიმდებარედ არსებულ რამდენიმე უძრავ ნივთს უძრავ ნივთებზე უფლებათა რეესტრში საიდენტიფიკაციო მონაცემად უფიქსირდება „ქალაქი თბილისი, ვლადიმერ ჯანჭღავას III ჩიხი“.

სამისამართო რეესტრში რეგისტრირებული მონაცემების სრულყოფის და საქმისათვის არსებითი მნიშვნელობის მქონე გარემოებების გამოსაკვლევად, გთხოვთ, მოგვანოდოთ ინფორმაცია თანდართულ სიტუაციურ ნახაზზე მითითებული ობიექტი „ქალაქი თბილისი, ვლადიმერ ჯანჭღავას III შესახვევი“ წარმოადგენს თუ არა გეოგრაფიული ობიექტის მოქმედ სახელწოდებას.

დანართი: 1 (ერთი) გვერდი.

პატივისცემით,

სამისამართო დეპარტამენტის უფროსის
მოვალეობის შემსრულებელი

ხელმოწერილია/
შტამპდასმულია
ელემენტულად



გიორგი ტაბატაძე



ქალაქ თბილისის მუნიციპალიტეტის საკრებულოს აპარატი

STAFF OF TBILISI CITY MUNICIPAL ASSEMBLY



წერილის ნომერი: 03-032519662
თარიღი: 15/07/2025

ადრესატი:

ქალაქ თბილისის მუნიციპალიტეტის საკრებულო-პირველადი სტრუქტურული ერთეული (აპარატი)-
სახელდებისა და სიმბოლიკის კომისიის სამდივნო-მესამე კატეგორიის უფროსი სპეციალისტი

ეთერი მაჭარაშვილი

როგორც მოგესვენებათ, საჯარო რეესტრის ეროვნული სააგენტოს # 06-032421961-03 მომართვის საფუძველზე, სახელდებისა და სიმბოლიკის კომისიამ დაიწყო ადმინისტრაციული საქმისწარმოების პროცესი, გლდანის რაიონში, ვლადიმერ ჯანჯღავას ქუჩის მიმდებარე ტერიტორიაზე არსებული გზათა ქსელის მოწესრიგებასთან დაკავშირებით.

საკითხის შესწავლის ფარგლებში ზეპირი კომუნიკაცია გაიმართა როგორც სამისამართო დეპარტამენტთან, ასევე ადგილზე მოხდა ტერიტორიის დათვალიერება, გზათა ქსელის შეწავლა და გამოიკითხა ადგილობრივი მოქალაქეების აზრი.

როგორც დგინდება, ვლადიმერ ჯანჯღავას ქუჩა წარმოდგენილია ქსელის სახით, ქუჩას არ აქვს ერთი ძირითადი დასაწყისი და დასასრული, მონაკვეთები ერთმანეთთან გეგმარებითი კავშირის გარეშეა სახელდებული როგორც ვლ. ჯანჯღავას ქუჩა. გარდა აღნიშნულისა ქუჩას აქვს შესახვევები და ჩიხები, რომელთა მიმდებარედ ასევე წარმოქმნილია უსახელო გეოგრაფიული ობიექტები. კომისიის მიერ მოქალაქეებთან და სამისამართო დეპარტამენტთან ერთობლივი კომუნიკაციის შედეგად მიზანშეწონილად იქნა მიჩნეული აღნიშნული ქუჩის მონაკვეთებად დაყოფა და დამოუკიდებელ ქუჩებად სახელდება.

გთხოვთ, უზრუნველყოთ საკითხის შემდგომი დამუშავების მიზნით საჭირო ღონისძიებების გატარება თქვენი უფლებამოსილების ფარგლებში.

მამუკა ბალაიშვილი

ქალაქ თბილისის მუნიციპალიტეტის საკრებულო-პირველადი სტრუქტურული ერთეული (აპარატი)-სახელდებისა და სიმბოლიკის კომისიის სამდივნო-მეორადი სტრუქტურული ერთეულის ხელმძღვანელი (სამდივნოს უფროსი)



ქალაქ თბილისის მუნიციპალიტეტის საკრებულო

TBILISI CITY MUNICIPAL ASSEMBLY



წერილის ნომერი: 03-03251989
თარიღი: 17/07/2025

ქალაქ თბილისის მუნიციპალიტეტის საჯარო სამართლის იურიდიული
პირი ქალაქ თბილისის ტრანსპორტისა და ურბანული განვითარების
საკრებულო
მისამართი: თბილისი, შარტავას ქ. N7

სააგენტოს უფროსს ნინო ბაგაშვილს

ქალბატონო ნინო,

გაცნობებთ, რომ სახელდებისა და სიმბოლიკის კომისიამ საჯარო რეესტრის ეროვნული სააგენტოს #06-032421961-03 მომართვის საფუძველზე დაიწყო ადმინისტრაციული საქმისწარმოების პროცესი გლდანის რაიონში, ვლადიმერ ჯანჯღავას ქუჩის მიმდებარე ტერიტორიაზე არსებული გზათა ქსელის მოწესრიგებასთან დაკავშირებით.

როგორც დგინდება, ვლადიმერ ჯანჯღავას ქუჩა წარმოდგენილია ქსელის სახით. ქუჩას არ აქვს ერთი ძირითადი დასაწყისი და დასასრული, გარდა აღნიშნულისა, ქუჩას აქვს შესახვევები და ჩიხები, რომელთა მიმდებარედ ასევე წარმოქმნილია უსახელო გეოგრაფიული ობიექტები.

გთხოვთ, შეისწავლოთ დანართში ჩვენს მიერ არაპროფესიონალურად მოხაზული ტერიტორია და გამოგვიგზავნოთ გლდანის რაიონში, ვლადიმერ ჯანჯღავას ქუჩასთან მიმდებარე უსახელო გეოგრაფიული ობიექტების სიტუაციური ნახაზები დანართისა და ქ. თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების შესაბამისად.

დანართი 7 (შვიდი) ფურცელი.

ლევან აბაშიძე

ქალაქ თბილისის მუნიციპალიტეტის საკრებულო-
სახელდებისა და სიმბოლიკის კომისია-კომისიის
თავმჯდომარე

გამოყენებულია კვალიფიკური
ელექტრონული ხელმოწერა/
ელექტრონული შტამპი





ქალაქ თბილისის მუნიციპალიტეტის საკრებულო

TBILISI CITY MUNICIPAL ASSEMBLY



წერილის ნომერი: 03-032519920
თარიღი: 18/07/2025

ადრესატი: ვეტერანების სახელმწიფო საქმეთა სამსახური
მისამართი: გიორგი გურამიშვილის ქ.12ა

გაცნობებთ, რომ ქალაქ თბილისის მუნიციპალიტეტის საკრებულოს სახელდებისა და სიმბოლიკის კომისიაში მიმდინარეობს თბილისის ერთ-ერთი ქუჩისთვის საქართველოს ტერიტორიული მთლიანობისათვის წარმოებულ ბრძოლაში გარდაცვლილი მებრძოლის, ბადრი ჭინჭარაულის სახელის მინიჭების საკითხის განხილვა.

მოგმართავთ თხოვნით, გაგვაცნოთ თქვენი პოზიცია ხსენებულ სახელდებასთან დაკავშირებით. ასევე მოგვაწოდოთ ინფორმაცია ბადრი ჭინჭარაულის საბრძოლო მოგვლევებისა და დაჯილდოვების დოკუმენტების (მათი არსებობის შემთხვევაში) შესახებ.

ლევან აბაშიძე

ქალაქ თბილისის მუნიციპალიტეტის საკრებულო-
სახელდებისა და სიმბოლიკის კომისია-კომისიის
თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი





ბადრი ჭინჭარაული

(1957-1993)

აფხაზეთში დაღუპული მებრძოლი

დაიბადა 1957 წლის 6 სექტემბერს თიანეთის რაიონში.

საშუალო სკოლის დამთავრების შემდეგ მოიხადა სავალდებულო სამხედრო სამსახური. სწავლობდა საგარეჯოს პოლიტექნიკური ტექნიკუმის მექანიზაციის ფაკულტეტზე.

მუშაობდა პროფსასწავლებელში, საწარმოო სწავლების ოსტატად. 1992 წლის 15 სექტემბრიდან შევიდა სამხედრო პოლიციის რიგებში, რადგანაც ჩათვალა, რომ მის ქვეყანას აქ უფრო გამოადგებოდა. შემდეგი ბადრი ჭინჭარაული იყო სამხედრო პოლიციის ბრიგადის დაცვის ბატალიონის ოცეულის მეთაური.

იგი უშიშარი მებრძოლი გახლდათ, ძალიან უფრთხილდებოდა პატარა ასაკის ბიჭებს, რომლებმაც წესიერად იარაღის ხელში დაჭერაც კი არ იცოდნენ. მათ ფრონტის წინა საზოგადოება არ უშვებდა.

1993 წლის 9 მარტს, ოჩამჩირის რაიონის სოფელ ლაბრასთან გამართულ ბრძოლაში გმირულად დაეცა ბრძოლის ველზე.